

SHKALLËT E BESIMTARËVE NË RRUGËTIMIN DREJT ALLAHUT (MEDAARIXH ES-SAALIKIIN)

Etja / *el-Atashu* /

Dr. Hatim el-Haxh

Materiali është përmbledhje e kuptimeve të audio-ligjëratës nga nxënësit e hoxhës

<https://buff.ly/2hbVv4T>

Allahu ﷻ tha lidhur me mikun (Ibrahimin ؑ) e tij:

"فَلَمَّا جَنَّ عَلَيْهِ اللَّيْلُ رَأَى كَوْكَبًا قَالَ هَذَا رَبِّي"

"Kur nata e mbuloi (me errësirë), ai pa një yll. Tha: 'Ky është Zoi im.'" (el-En'am, 76)

'Etja' është një metaforë për dëshirën e madhe për një qëllim. Kjo ka tri nivele:

Niveli i parë është etja e ndjekësit të shtegut të pastrimit shpirtëror për:

- Një dëshmitar që shuan etjen¹
- Një aluzion shërues²
- Një gjest empatik, që afron më shumë³

Niveli i dytë është etja e ndjekësit për:

- Përfundimin e një afati⁴

¹ Shenja që mbështesin besimin e tij duke e siguruar për shtegun të cilin përshkon dhe për gjendjen në të cilën është.

² Shenja që i vijnë nga një udhëzues ose nga një shoqërues në shteg; ai gjen shërim në to nga ndërhyrjet dhe ngurrimet që mund t'ia shushasin zemrën. Ai po ashtu mund të gjejë këto shërime në një ajet që kupton, në një hadith a në një transmetim (thënie) për më të mirët (elitën e besimtarëve).

³ E afron ndaj hyjnores, e sjellë atë më afër Tij.

⁴ Një kërkim që përfundon me përmbushjen e qëllimit të tij, jo medoemos përfundimin e jetës së tij.

- Një ditë që sjell përmbushje⁵
- Një stacion / shkallë ku ai gjen rehati⁶

Niveli i tretë është etja e dashuruesit për:

- Qartësinë që nuk pengohet nga retë e mangësive⁷
- Dhe nuk mbulohet nga perdja e shkapërderdhjes⁸
- Dhe para e pas së cilës s'ka kërkim⁹

⁵ Një ndjekës i shtegut të pastrimit shpirtëror gjen përmbushje të njëmendtë vetëm në bashkimin / shoqërimin e tij me Allahun.

⁶ Një nga shkallët më të larta ku ai gjen ngushëllim dhe intimitet prehës (*uns*).

⁷ Errësirat e unit tonë gabimtar pengojnë të parët e hyjnore në këtë jetë.

⁸ Të qenët i shpërqendruar nga i Vërteti me anë të shumësisë së gjërave dhe të dukurive.

⁹ Shejhu (el-Harawi) ka si qëllim të thotë se kjo është një formë e plotë e dëshmimit (të parët e hyjnore), duke mos lënë kështu hapësirë për vëmendje më të madhe ndaj vetes. Mirëpo, të parët e plotë e hyjnore nuk ndodh në këtë jetë, për shkak të natyrës sonë të mangët. Madje as Musës ﷺ nuk iu dha mundësia për ta parë Atë. Në këtë jetë ne shohim shenjat e Tij, derisa të mbërijmë në një pikë ku njohja jonë e Tij me anë të zemrës bëhet pothuajse sikurse të parët e Tij (me sy).